

疆 邦 華 書

清江漁譜目錄

憶秦娥

浣溪沙

霜天曉角

臨江仙

洞仙歌

滿江紅

東風第一枝

瑞鶴仙

綺羅香

沁園春

賀新郎

二

[illegible]

清江漁譜

鄱陽 張輯 宗瑞

憶秦娥

有寄

春寂寂畫闌背倚春風立
春風立楚山無數暮天雲碧
琴心寫徧愁何極斷腸誰與傳消息
傳消息當年情墨淚痕猶濕

浣溪沙

壽老母

夏果初收喚綠華
冰盤巧簇映金瓜
荷香飛上玉流霞
明月長留千歲色
蟠桃多結幾番花
誰知羅帶有丹

砂
霜天曉角

日暮

暮天雲闊懶汎琴三疊恰有梅花相伴窗兒上一枝月
憶別恁時節吟情誰共說敲枕偶成清夢畫角曉更
愁絕

臨江仙

望廬山

迢遞關山身歷徧煙霞勝處曾游九江江畔繫孤舟匡
廬如畫裏南望插天浮瀑布香鑪齊五老層層爽氣
陵秋何須魂夢覓瀛洲雲松終可卜我與謫仙儔

洞仙歌

代壽張辰州

蓮舟玉宇得真人親授圯上家風又還有問因何五馬
踏月雲臺秋色裏卻賞煙霞袖手酒邊聽說劍歌舞
昇平方許君爲赤松友任濁世紛紜海水揚塵再相見
雪髯依舊且歲歲中秋後逾旬更半月東籬菊花重九
滿江紅

題馬蹄山壁 予讀書晉王伯遼馬蹄山居雨中欲
訪道會稽山空鶴寒落葉自語大書此句於碧崖丹
壑閒以堅歸盟

醉髮吹涼但拂劍狂歌而已倩誰問九霄黃鶴更曾來

未玉女窗深松晝靜研朱重點參同契記前同赤水得
玄珠驪龍睡空擾擾人間世除學道無真是把洪崖
肩拍挹浮北袂朝駕長風滄島上夜騎明月青天際更
幾時回首舊山川三千歲

東風第一枝

代壽李夫人

雨藥方桃晴梢漸杏東風嬌語絃管愛香簾約餘寒喚
舞袖翻嫩暖紅顏清健舊墨竹扶疏手段且碧窗寫就
黃庭畫楫海山開卷春自好得花不淡花又好得春
不淺曉縈瑤佩秋生月蘸翠尊波滿長逢花處笑西母
霜娥偷換要日邊爭看貂蟬綵侍更迎宣勸

瑞鶴仙

壽趙右司

柳風雙燕語問有誰留人岸花去艣星辰快平步俯圓
扉草色青青如許兒童擁路玉溪邊當年杜母料從今
指點山川總是繡衣行處 回顧東堂深窈楚帖長春
竹尊清午紅雲帝所搖佩玉更容與把蓬萊一笑幾番
清淺綠野爲花作譜向花前三疊琴心看蒼鶴舞
綺羅香

壽趙大師

欲雨涼生初弦月在畫戟香中清嘯旋種芙蓉深夏木
蘭芳沼銀漢入天鏡攬秋福星度雪闌爭照又誰寫萬

幅萼波一江佳思到魚鳥
吳兒眉語笑裏要見圍扉
絲徧平疇青繞羽扇綸巾蕭灑玉貌長好問千年慶會
風雲正此日靜春花草更絃管非霧非煙鶴聲簾幕曉
沁園春

子頃游廬山愛之歸結屋馬蹄山中以廬山書堂爲
扁包曰庵作記見稱廬山道人蓋援涪翁山谷例黃
叔豹謂子居鄱不應舍近取遠爲更東澤黃魯庵詩
帖往來於東澤下加以詩仙二字近與馮可遷遇於
京師又能節文號子東仙自是詩盟遂以爲定號十
年之閒習隱事業略無可記而江湖之號凡四遷視
人閒朝除夕繳者真可付一笑對酒而爲之歌曰

東澤先生誰說能詩興到偶然但平生心事落花啼鳥
多年盟好白石清泉家近宮亭眼中廬阜九疊屏開雲
錦邊出門去且掀髯大笑有釣魚船一絲風裏嬋娟
愛月在滄波上下天更叢書觀徧筆牀靜畫篷窗睡起
茶竈疏煙黃鶴來遲丹砂成未何日風流葛稚川人間
世聽江湖詩友號我東仙

右詞已見東澤綺語
此題較詳故並存之

賀新郎

代壽趙饒州

綠蔭涼尊俎映雙旌飛翻新帶日邊恩露千里湖山添
鮮碧玉宇光浮眉嫵料范老應難獨步君亦胸中兵十
萬把甘霖小小春東楚江上早一犁雨赤城霞起連

天姥有丹經親曾密授八篇奇語道骨仙風騎鯨客合
侍紅雲帝所且畫戟清香時度散入邦人簫鼓裏怡春
留芍藥叢歌舞還更誦大鵬賦

前調

壽湛盧先生

鵲喜花閒曉惜凝香低將簾捲海棠開早前度登樓清
嘯月吹入春風不老後五日花朝方到趁舞羅衣花訊
暖撚吟髭玉勒迎東笑留肯往春郵小 廬峰靑裏壺
天好一午春棋聲畫永劒光雲表絳雪驪珠看丹轉金
鼎龍盤虎繞且未可飛仙蓬島河洛煙蕪眠狐兔握風
雲辦此升平了卻共我拾搖草

右詞十二首見永樂大典本江湖後集

徵招

飛鴻又作秋空字淒淒舊游湘浦涼思帶愁深渺蒼茫
何許歲華知幾度柰雙鬢不禁吟苦獨倚危樓葉聲搖
暮玉闌無語尺素欲傳將故人遠天涯屢驚回顧心
事只琴知漫閒相爾汝甚時江海去算空負白蘋鷗侶
更誰與翦燭西窗且醉聽山雨

右詞從陽
春白雪補

[illegible]

默齋詞目錄

沁園春

赤棗子三

[illegible]

默齋詞

建陽游九言誠之

沁園春

五十五自述

五十五年滿簪華髮儼然遂良又何曾戚戚華門圭竇
何曾汲汲玉帶金章困後高眠飢來飽口老矣狂夫老
更狂空回首歎世閒名利傀儡開場幸臨晚節安康
又兩日三秋催肅霜歎生朝亦是賀賓踵至龍鍾矍鑠
何足稱觴喜對諸賢笑談世事相會親朋醉玉觴誰如
我素樂天知命不事侯王

赤棗子華陽洞

河漢澈碧霄晴九華仙子到凡塵涼夜山頭吹玉笛纖

雲卷盡月分明

又

香露溼草晶瑩起看大地盡瑤瓊下界千門人寂寂空
山夜靜海波聲

又

仙子去眇雲程天香杳杳佩環清回望九州煙霧日千
山月落影縱橫